

Euskara-gaitasuna lehen hizkuntzaren arabera (BILA Indizea). (>= 5 urte). EAE

Definizioa

BILA indizea tipologizazioa da, lortzen dena hizkuntza-gaitasuna eta lehen hizkuntza aldagaiak gurutzatuta.

Hedadura

Euskal Autonomia Erkidegoa.

Aldagaiak eta kategoriak

- **Eremu geografikoa:** EAE, Araba, Bizkaia eta Gipuzkoa
- **Hiztun mota:**
 - **Euskaldun zaharra:** lehen hizkuntza euskara izanik, euskaraz ondo ulertzen eta hitz egiten duen pertsona
 - **Jatorrizko elebiduna:** lehen hizkuntzak euskara eta erdara izanik, euskaraz ondo ulertzen eta hitz egiten duen pertsona.
 - **Euskaldun berria:** lehen hizkuntza erdara izanik, euskaraz ondo ulertzen eta hitz egiten duen pertsona.
 - **Partzialki euskaldun berria:** lehen hizkuntza erdara izanik, euskaraz nekez hitz egiten edo, hitz egiten ez badu ere, ondo ulertzen eta irakurtzen duen pertsona.
 - **Partzialki erdaldundua:** lehen hizkuntza euskara edo euskara eta erdara izanik, euskaraz nekez hitz egiten duen edo, hitz egiten ez badu ere, ondo ulertzen eta irakurtzen duen pertsona.
 - **Guztiz erdaldundua:** lehen hizkuntza euskara edo euskara eta erdara izanik, euskaraz ez hitz egin, ez ondo ulertu, ez irakurri ere egiten ez duen pertsona.
 - **Erdaldun zaharra:** lehen hizkuntza erdara izanik, euskaraz ez hitz egin, ez ondo ulertu, ez irakurri ere egiten ez duen pertsona.

Azpi-adierazleak (gurutzaketak)

- BILA adinaren eta sexuaren arabera.
- BILA adinaren eta sexuaren arabera, EAEko eskualdeka eta udalerrika banatuta.

Iturriak

EAEko Biztanleriaren eta Etxebizitzaren Zentsua eta Estatistika

Iturrien ezaugarriak	Biztanleria eta Etxebizitzen Zentsuak eta Estatistikak hiru aldagai aztertzen dituzte: euskara-gaitasuna, lehen hizkuntza eta etxeko erabilera. EAEEn 1981etik jasotzen da euskara-gaitasunaren aldagaia, 1986tik lehen hizkuntzarena eta 1991tik etxeko erabilerarena. Hortaz, Euskal Autonomia Erkidegoan euskararen bilakaera berri izateko ikuspegi zabala ematen digu: hizkuntza gaitasunaren kasuan hogeita hamar urtekoa, lehen hizkuntzaren kasuan hogeita bostekoa eta etxeko erabilerarenean hogeikoa. EAEko emaitzak Mapa Soziolinguistikoan jasotzen dira. Estatistika ofiziala da, eta 020702 kodearekin dago jasota Euskal Estatistika Planean. Adierazitako hiru aldagaiez gain (euskara-gaitasuna, lehen hizkuntza eta etxeko erabilera), beste bi aldagai sintetiko jorratzen ditu Mapa soziolinguistikoak: BILA indizea (euskara-gaitasunaren eta lehen hizkuntzaren arteko gurutzaketa) 1986tik, eta ERABIL indizea (euskara-gaitasunaren, lehen hizkuntzaren eta etxeko erabileraren arteko gurutzaketa) 1991etik.
Iturrien arduradunak	Euskal Autonomia Erkidegoan datuen ardura EUSTAT erakundearena da, eta Hizkuntza Politikarako Sailburuordetzak egiten du datu horien ustiaketa.
Lehenengo datua eta maiztasuna	Lehenengo datua: EAEEn 1981 Maiztasuna: EAEEn bost urterik behin (Biztanleria eta Etxebizitzen Zentsua eta Estatistika tartekatuz).
Datuak osatzeko metodologia	Biztanleriaren eta Etxebizitzen Zentsua eta Estatistika egiteko, metodologia mistoa erabiltzen da. Izan ere, Biztanleen Erregistroa oinarritzat hartuta, laginetako informazioa eta administrazio iturri ezberdinak konbinatzen baitira. Metodologia hori 2006ko Biztanleriaren eta Etxebizitzen Estatistika osatzeko erabili zen lehen aldiz. Aldaketa metodologiko handia izan da, eta Europako hainbat estatistika-institututan (Suediakoan, Finlandiakoan edo Herbehereetakoan, esaterako) erabiltzen da.
Informazio osagarria	
Argitalpenak eta txostenak	http://www.euskadi.eus/informazioa/ikerketa-soziolinguistikoak/web01-a2lingu/eu/
Galdesorta	http://eu.eustat.eus/estadisticas/tema_25/opt_1/tipo_8/ti_Biztanleriaren_eta_etxebizitzen_zentsuak/temas.html